



QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum, die Iovis
decima-tertia Martii.

M. TUSSANO FONTAINE, Doctore
Medico, Præfide.

An jejunorum liberior animus?

I.

MAGNI ad omnem corporis & animi actionem interesse quando quis cibo utatur vel careat, declarat quotidianus alimentorum usus, & certis indicta horis pascendi corporis consuetudo: hæc neque quo diei velis tempore, neque ad ægri stomachi, vel intemperantis animi appetitum assumenda est; sed pro necessariâ virium instauratione & sanâ servandâ mente statuenda. Hanc ita susceptam qui temere immutavit, in omnia intempestivi cibi incommoda incurrit: ex his autem quæ cibum tempestivum vel intempestivum faciunt tria sunt, somnus, fames, labor: quorum & alimentorum vicinitate inter se, vel intervallo longâ vel brevi morâ captanda est accelerandi vel differendi cibi opportunitas. Certe cibus legitimo aliquo spatio semper à somno dirimendus est: nam qui exporrectus quamprimum mensæ accumbit, parum sobrius nequaquam intelligit hominem non decere pecudum more statim à somno ad pastum accedere: fame quoque aliquantisper sustinendâ cibus promerendus est, modo illa neque morosa sit, neque tam longa ut stomachus doloribus differatur. Labor item ut cibus placeat defuisse non debet bono quidem modo imperandus tantus quantus obsonandæ fami & integris servatis viribus conducere videbitur. Sic omnes cum valemus vitam nostram regere debemus; sic præscripsit qui animum in homine cum corpore conjunxit, & tempus illis dividens, quo ambo sibi suisque commodis providerent, brevissimam temporis partem addixit corpori, supportaudâ intro annonæ, maximam partem animo reliquit: quia enim ille naturâ liber est, & immensâ vi in omnem rerum oram & cognitionem se injiciens atque intendens, majus spatium ei concedendum fuit, ut quo usque posset, eò, cum veller, cogitatione excurreret. Hæc autem omnia ita instituta convenire tum corpori ad

secundam valetudinem, tum animo ut laxius aliquando à corpore solvatur, comprobatur illorum hominum usus, quos nostras vulgus Jejunos appellat, qui tempus, quod inter sanorum somnum, & medium diem interest, ita sine cibo, sine potu exigunt; ut neque plane otiosis, neque alendi corporis sollicitudine valde anxiiis eò liberior constet animus, quo ille ad omnia sua sustinenda munia jejunitate & ultro ferendâ fame melius comparatur.

I I.

HANC solemnem inediam qui perferre possunt sine ullo valetudinis incommodo, si hesternâ cœnâ leves ad dormiendum se composuerint *ἀμειψοί, ἀσυροί, ἀβανασίς, ἀεργός*, & vacuo curarum in lectulo, sponte excitatis matutinum jubar haud paulò melius animo quam oculis nitet, evigilant illi cum summa sensuum omnium & animi alacritate, tamque diu fructuri somni & vigilæ bonis omnibus, quamdiu nullum novum opus naturæ incubuerit, neque nova corporis cura animum rebus seriis intentum aliò abduxerit. Nam inter placidæ noctis quietem, & nullis infomniorum terriculamentis obnoxia, absolutâ ciborum coctione, nullo jam ab illis *ὑπνόςκοπος* motu, patet in visceribus nihil superest, quo animi tranquillitas perturbari possit. Alimentorum reliquæ & utraque bilis blando naturæ compulso eò secessere ubi innoxia versantur, nihil inde aspersuræ sanguini quod illius puritati & agilitati officiat: tunc adeò instantatis somno viribus, & vigiliâ, ut mos est, ad quodcumque agendum expeditis, omnia sunt in homine læta, &, ut fiat liberior animus, apprime parata; modo nullus jentator intervenit mox impetrante inediâ, ad futura est animo sui in omnem partem versandi facultas libera & soluta, sive sensuum agitatione foras se exporrigens oblati extrinsecus rebus occurrere voluerit, sive intus apud se recedens res ante perspectas & cognitatas secundâ & meliori cogitatione recolere, & partam inde sibi *ἀνχοίαν* assiduâ meditatione acuire maluerit. Has autem Jejunorum proprias virtutes, liberioris animi sive propediem obtinendi pignora, sive retenti præmia, longe à se dimoverit qui susceptâ ab inediâ desciverit.

I I I.

ITA quidem fieri solet. Cum quis pastus fuit difficilior animo utitur, assumptis cibis confestim sursum effertur anathymialis, quæ cum mentis arcem infederit, involuto cerebro, consopitis sensibus ut plurimum una cum corpore dormitat animus. Argumento sunt qui remorâ mensa repente in Bibliotheca sedentes & abditi semisomnes libris incumbunt: nam diversas in partes & in diversum opus distracta natura quidquid cerebro vel cordi suffusata fuerit, aut aliunde conparserit, quod in ventriculum convertat, in conquendis cibis impendat, destitutus animus desiderat. At si servatis victus rite instituti legibus, nemo pascendo corpori vacat. quin ex eo decedat aliquid, quod animo profuturum esset, ut liberius ageret: quanto incautior qui adventantem tempestivo pastu animi tarditatem intempestivo repræsentat & augeat, & oblatam inediâ melius aliquandiu de rebus sentiendi libertatem aspernatus eò sponte devolvitur, quò vulgares animas demittit præceptis edendi aviditas, à quâ non solum jejunos inedia servat, sed etiam à pluribus aliis corporibus & animi morbis, in quos impellunt homines usitata illa, si con-

suetudine & quotidianâ mensarum successione invaluerint mane esitantium symptomata, frequens & vix eluctabilis à pastu in somnum propensio, capitis gravitas, sensuum hebetudo, univrsi corporis segnities, & qui acutam mentem non parit obesus aqualiculus. Contra vegeti sensus, mens præpes, & acuta membra ad omnem motum expedita, & quicquid iusserit animus subito occupans industria, magna sunt ab inediâ ad liberum procurandum animum adjuncta, nisi jam liberioris monimenta. Igitur jejuni fruuntur bonis inediâ paratis, fruuntur libero, quo beati sunt, animo: nam longiusculo quo illorum inedia perdurat spatio toti secum esse, & soli sibi vacare animo datum est: pars vero animi melior, cujus proprium est omnia à se sibi vel à sensibus oblata agitare sola & reputare ut velit, nullo recenter ingesti cibi aut in ventriculo adhuc effervescentis nidore sursum obvoluto libera, haustas è sensibus rerum imagines acie curatissima perspicit, illas omni detractâ materiæ concretionem enudat, quas apud se reconditas cum libuerit repetere & revolvere possit. Adde viarum sive partium quas ab externis sensibus ad animi sedem natura perforavit summum nitorem & expeditam laxitatem, quibus efficitur, ut illatæ per sensus rerum species eò facilius animum subiturræ sint quo vectores earum Spiritus majorem ab inediâ tenuitatem & summam cum indigenâ agilitate puritatem obtineant. Nihil igitur jejunis admodum deest, quin animo sint ad omnia liberrimo. Multo secus cum illis agitur, qui bene mane perpasti, & cibo ac vino referti temulentum animum eò adiungunt, ut nisi superatis quæ perperam assumpta sunt alimentis, melior ille ad se & liber redire non possit.

IV.

PRÆCLARA conditione fertur animi vindex inedia, quæ nequidem cum desinit animo prodesse non sinit: nam jejuni solito labore perfuncti, quod communiter illis accidit, provectiore jam die, integram famem ad cibum sic afferunt, ut vel inde noverint quis sibi sit capiendis cibis statuendus figendusque modus, ut tantum corpori largiantur, quantum animo convenit, ut ab omni alimentorum impedimento solutus & integer permaneat: idcirco illi cibis utuntur nullam animi noxam habentibus, è cercalibus fructibus, & reliquo vegetantium penu ram salubriter. quam ab animantium carne vel sanguine petendis. Hinc apud jejunos concoctio ciborum inemendabilis, labore famem, fame calorem sic acuente, ut nihil ille fervente coctionis opere sursum efferri sinat quod cerebro infensum sit, & animum percellat. Hinc etiam sanguis ab omni parte laudabilis eâ temperatione cerebri medullæ affusus quâ materiem illam affatim proferat, ex qua cudentur spiritus tum animo se moventi, tum naturæ vitæ ubique tuenti utiles, tandem edendi paucitatis excrementis corpus vacuum nullatenus animo grave futurum est: sic propter anteaactam inediam omnibus in animi bonum vertentibus quæ propter intermissam imminere videbantur, haud magno quidem jejunis constiterit liberior animus, quem ut vendicent à corpore & omnem ab eo alimentorum pressum depellant, sufficit omisso præpoltero pastu culpâ catuisse, qua qui se implicat, saepe corpori non parcat, ut animo noceat.

ATTAMEN sic vita hominum est, ut plurima eveniant quæ liberum animum & in agendis rebus suum semper esse non sinit: nam præter multa ab irarum & cupiditatis sede profecta, quæ illum procul à recto rationis tramite nolentem abripiunt, etiam ab ipsâ naturâ multa ingruunt, ut somnus, fames & fame sitis potentior, quæ summâ vi cum imperent, omnem adimunt animo sui regendi potestatem somnus *par d'empire* ille, quo nulum animal carere potest ne plantis quidem insueto, animum in homine sic impedit, ut indormiente vix ullus appareat: dormientis parum distat, qui somno gravis adhuc, aut parùm ab eo diffusus mensæ accubat, & diem à pastu incipit, quo laborem & diem nisi finire saltem medium dividere præstabilius esset, quam intempestive edentem vel in soporem relabi, vel dimissum ad laborem cunctanter & oscitantem redire. Næ ille quem matutine delectant epulæ, nescire voluit quo more publico in communem vitam instructa sint jentacula: male memorem eorum, quæ liberum animum facere & servare possunt, decepit edacis & ignobilis vulgi consuetudo, quæ nullo naturæ inductu, nullo salutari artis præcepto increbuit, gulæ magis quam egen-tis naturæ desiderio: numquam enim natura tulit hominem prius & magis ventri servire quam animo, & concessum labori tempus proponere comestrationi insumere: medentium vero leges & jura vetant vix absterfis cœnæ reliquiis & forte crudo adhuc ventriculo cibos committere, quos eò quicquæ fastidiosius gustat, & invitius si sapit, quò à somno recentior fuit, aut asciticia fame provocatus gaudet animum affligere alieno tempore satur, quem jejunos erigere & innata libertate vigentem retinere potuisset. Primæva virtus hæc nostrâ ætate numeris omnibus præstantior unico pastu contenta, fuit quo diem claudere, nedum incipere consuevit. An etiamnum hodie salubrior foret ista vitæ ratio, neque labore neque inedia vires atterente corpus & animus adversus morbos firmarentur. Verum gens est quadam mortalium querula, delicata, cui quicquid humanitatis accidit morbus est, levior insomnia noctem diffidit, invisus pallor faciem decoloravit, commotiuacula caput tentavit vel stomachum, exclamant alto jam sole subductâ longius mensâ caput fumo oppleri, caliginem & tenebras sensibus & animo offundi, inediam præscriptis verbis dimittunt, at innocentem corpori multum, plurimum animo salutarem, cujus tanta est apud jejunos & constantes præstantia, ut tantò illi præ cæteris animo valeant, quanto sano incorpore mens sana & libera bonis omnibus anteponenda est.

Ergo jejunorum liberior animus.

Proponebat Parisiis FRANCISCUS-FAUSTUS ALLIOT,
Parisiinus Baccalaureus Medicus. A. R. S. H. 1687.

Ex Typographiâ Francisci Muguet.